



**Theologiae Moralis Super Decalogum Seu Decem Dei
Praecepta Pars ...**

Tractatus II. In I. Præceptum De Fide, Spe, Charitate, Religione, & Peccatis
oppositis

Sporer, Patricius

Salisburgi, 1711

Sectio II. Fidei Divinæ objectum materiale seu materia.

[urn:nbn:de:hbz:466:1-59952](#)

hanc posteriorem partem longè plura complecti, quam priorem, nam plura creduntur, quam sperantur. Sperantur enim sola bona, atque futura, & absentia, ut æterna Beatitudo, perseverantia, auxilium Divinum; creduntur autem bona & mala tam præterita & præsentia, quam futura: quare Fides non est tantum substantia rerum sperandarum, sed generaliter est argumentum omnia non apparentium, seu à Deo revelatorum, et si aliundè sperandorum. Sensus ergò adæquatus definitionis est: *Fides est certa & firma persuasio omnium nobis revelatorum in ordine ad finem supernaturalem adhuc latentem, sperandum & consequendum.*

SECTIO II.

Fidei Divinæ objectum materiale, seu materia.

SUMMARIUM.

7. *Fidei objectum materiale duplex: complexum, & incomplexum.*
8. *Objectum materiale Fidei est Verbum Dei immediatum & mediatum: privatum, & publicum.*
9. *Verbum Dei publicum aliud est scriptum, aliud traditum: quid seu quenam quodlibet comprehendat,*
10. *Quid, & quot sint Fidei Symbola.*
11. *Quid, & quot sint Articuli Fidei.*

Fidei objectum materiale dicitur omne id, quod Fide creditur, estque duplex: complexum: & incomplexum. Objectum Fidei incomplexum, seu subiectum Fidei dicitur omne id, de quo aliquid Fide Divina creditur affirmando vel negando. Et sic objectum Fidei primarium & principale, & ut vocant,

vocant, attributionis, est ipse Deus, de quo sunt principales veritates Fidei, & articuli Fidei credendi, reliqua omnia sunt objectum secundarium, quatenus nimirum ad Deum vel ut auctorem, vel ut Finem ordinantur. Objectum Fidei complexum dicitur omnis veritas, seu propositio à Deo revelata, & Fide Divina credenda, & appellatur *verbum Dei*, accipiendo nimirum verbum Dei objectivè pro omni eo, quod Deus locutus est, vel revelavit frequentissima Scripturæ Phrasí; formaliter enim verbum Dei est ipsa locutio, & revelatio Divina, quæ est objectum Fidei formale immediatum, de quo sequenti Sectione.

ASSE RTIO II.

Fidei Divinæ objectum materiale est *verbum Dei* universum, seu quidquid Divinitus homini viatori quomodounque revelatum, immediate, mediare, scriptò, traditione &c. Communissima DD. cum D. Thoma & Scoto. Et patet ex ipsa Definitione Fidei Divinæ, quæ nimirum firmiter assentimur omnibus à Deo revelatis, quatenus ita revelata sunt: Atqui ea ipsa revelata dicuntur verbum Dei objectivè: ergo objectum materiale Fidei Divinæ rectè dicitur Verbum Dei. universum: Cùm omne, quod à Deo revelatum est, & nihil non à Deo revelatum, credendum sit. Solùm hinc explicandæ sunt aliquot divisiones verbi Divini in Assertione indicatæ.

§. I.

§. I.

Verbum Dei immediatum, & mediatum privatum, publicum.

Verbum Dei (objectivè sumptum) semper definitur: *Veritas a Deo inspiratōne, verbō vel signō manifestata homini Viatori.* Dividitur primò in immediatum, & mediatum.

Verbum Dei immediatum dicitur, quod Deus per se ipsum, nullo alio, ut Legato, vel internuntio mediante, revelat. Qualia sunt verba Dei facta ad Prophetas, Moysin, Isaiam, Jeremiam, &c. Et vox illa ipsa de cœlo: *Hic est Filius meus dilectus.* Et talia sunt etiam verba à Christo facta ad Apostolos, & Judæos. De quo Joann. 1. *Unigenitus, qui est in sinu Patris, ipse enarravit.*

Verbum Dei mediatum dicitur, quod Deus per alium tanquam Legatum, vel internuntium, sive Angelum, sive hominem, loquitur, & revelat: sic Deus olim verba sua partim per Angelos loquentes Patriarchis & Prophetis, partim per homines ipsos, scilicet Patriarchas & Prophetas reliquo humano generi revelavit; de quo Apostolus ad Hebreos 1. *Multifariam, multisque modis Deus olim loquens. Patribus in Prophetis, novissime diebus istis locutus est nobis in Filio.* Tandem Deus & Christus locutus est nobis per Apostolos & Evangelistas in Scripturis sacris. De quo Apostolus 1. ad Thessal. 2. *Cum accepissetis a nobis verbum auditū Dei, accepissetis illud non ut verbum hominum, sed sicut est verē, verbum Dei, qui operatur in vo-*

THEOL. MORAL. PARS II. B

bis, qui credidistis: Omne ergò verbum Dei saltem publicum respectu nostrū mediatum tantū est.

Utrumque hoc verbum Dei aliud potest dici *privatum*, quod soli homini pro se revelatur, ut verba illa ad Ezechiam: *Dispone domini tua, quia morieris.* Christi ad Petrum: *Ter me negabis.* Aliud *publicum*, seu publicam autoritatem habens, omnes nimirū concernens, quōdque ab omnibus recipi, & credi debet, hujusmodi est *Vetus*, & *Novum Testamentum*, *Traditiones*, & *Definitiones Ecclesiae*. Et hoc proinde verbum Dei publicum dividitur *in scriptum*, & *traditum*.

§. II.

Verbum Dei scriptum & traditum.

Verbum Dei *scriptum* est, quod continetur in Scripturis Canonicis totius Veteris, & Novi Testamenti, cuius proin utriusque sententiæ omnes formaliter à Scriptoribus Canonicis enuntiatæ, nimirū in recta significatione verborum ex mente ipsorum Scriptorum à Deo inspiratæ sunt de Fide Divina, & necessariò credendæ saltem negative, ut scilicet nulla ejusmodi sententia negetur, vel in dubium revocetur. Quænam autem tententia, seu veritates Fidei necessariò etiam positivè credendæ sint à Fidelibus, videbitur c. seq. Secùs est de sententiis materialiter tantū relatis à Scriptoribus Canonicis, nimirū non ex propria, sed ex aliorum non rectè sentientium mente: Ut verba impiorum in Libris Sapientiæ, blasphemiarum Judæorum contra Christum, & alia innumera: quæ sine dubio formaliter in sua significatione non sunt de fide.

fide imò falsoissima, sed solum sunt de fide materialiter, & historicè, quod nimis ita ab aliis dicta sint.

Verbum Dei traditum, seu non scriptum dicitur, quod absque scriptura à Deo, vel Christo per Apostolos suos, & Ecclesiam, Fidelibus suis voce consequenter traditum est, quale necessariò admittendum contra Hæreticos, latè, & efficaciter probant Controversistæ. Accipe paucis, Nam 1. & ipsam S. Scripturam de facto habitam, esse verbum Dei, non constat nobis, nisi ex traditione perpetua Ecclesiæ. 2. Verbum Dei Novi Testamenti à Christo traditum non statim scriptum, sed sola voce traditum est Fidelibus usque post multos annos ab ejus Ascensione, quando primum ab Apostolis, & Evangelistis Scriptum est, quando se tempus & occasio scribendi obtulit: Atqui ante illam scriptiōnem per tot annos sine dubio erat verbum Dei Fide Divina credendum. 3. Non omnia, quæ Christus docuit, & fecit scripta sunt ab Apostolis, & Evangelistis, ut omnium ultimum in fine sui Evangelii scribit Joannes. 4. Id ipsum convincit unanimis consensus SS. PP. Sufficiant pro nunc duo illustria testimonia. D. Epiphanius Hæresi 61. Oportet autem & traditione uti, non enim omnia à Scriptura Divina accipi possunt. Quapropter aliqua in Scripturis, aliqua in Traditione per vocem Apostoli tradiderunt, quemadmodum dicit S. Apostolus: Si-
c ut tradidit vobis. Et alibi; sic doceo, & sic tra-
didi Ecclesia. Hæc iste. Et D. Joan. Chrysost. 2. ad Thessal. 2. Hinc patet, quod non omnia per Episto-
lam

lam tradiderunt, sed multa etiam sine litteris; ideoque Traditionem quoque Ecclesiae fide dignam putamus. Traditio est; nihil queras amplius. Sic ille. Tandem accedit ratio: Nam signum, quo verbum Dei hominibus revelari, ac revelatum propagari potest, non est sola Scriptura, neque se solâ in omni casu sufficeret; cum libri scripti veritate corrumphi, vel omnino absolum possint: ergo necessaria est Traditio vocis continuo per Ecclesias propagata per scripturas, tum ad ipsas Scripturas discernendas, tum etiam ad alia nonnulla credenda v. g. parvulos esse baptizandos; ubinam hoc scriptum in libris? &c.

Porrò ad verbum Dei publicum & traditum juxta communissimam DD. cum D. Thoma 2. 2. q. 5. a. 3. etiam revocantur Definitiones Ecclesiae per Summos Pontifices, & Concilia generalia, populo Christiano propositae, & Fide Divina credenda.

Probatur: Quia Ecclesia (ut ait Apostolus 1. ad Timoth. 3.) *Dei vivi columna est & firmamentum veritatis.* Et juxta promissionem Christi Matth. 16. *Tu es Petrus, & super hanc petram edificabo Ecclesiam meam, & porta inferi non prævalebunt adversariæ eam;* Consequens est, quod quæcunque Ecclesia in rebus Fidei, vel morum, populo Christiano decernit, ac proponit, firma esse, & infallibilia. Ulterius; quia Spiritus Sanctus, ex promissione Christi Joan. 14. & 16. missus Ecclesiae, ut maneat in æternum, doceatque omnem veritatem, eidem Ecclesiae assistit, instruens, atque gubernans, prout etiam Apostoli in primo Concilio Jerosolymitano.

mitano congregati professi sunt. *Act. 15. Visum est Spiritui Sancto, & nobis &c.* Ita efficaciter arguitur: Omnis sermo vel sententia procedens ex infallibili assistentia Spiritus Sancti est verbum Dei revealatum, & Fide Divina credendum: Sed Definitio Ecclesiæ procedit ex infallibili assistentia Spiritus Sancti (ut modò dictum): ergò est verbum Dei habendum, & Fide Divina credendum. Unde D. Athanasius *l. 6. Epist. ad Africanum Episcopum* ait: *Verbum Divinum per Oecumenicam Nicæa Synodum in aeternum stat.* Et D. Gregorius primus lib. I. *Epist. 24.* dicit: *Sicut sancti Evangelii quatuor libros, sic quatuor Concilia (Nicænum, Constantinopolitanum, Ephesinum, Chalcedonense) venerari me, ac suscipere fateor.* Plura de his apud Bellarminum de Verbo Dei, aliósque Controversistas passim. Denique hoc verbum Dei publicum quoad objecta Fidei communiter ab omnibus credenda coordinatur per Symbola & Articulos Fidei, de quibus.

§. III. Fidei Symbola

Dicuntur certæ coordinationes præcipuorum Fidei objectorum communiter ab omnibus Christi fidelibus credendorum; Sic dicta quasi testæ militares Fidei, quibus Christi fideles ab infidelibus discernuntur, quantum ad Professionem Fidei.

Tria potissimum Symbola sunt in usu in Ecclesia Catholica: Apostolicum, Nicænum, & S. Athanasii. Primum Symbolum Apostolicum ab ipsis A-

postolisante sui divisionem in omnem terram , pr generali tessera compositum , omnia præcipua Fidei Divinæ capita continet. Recitatürque ab Ecclesia quotidie ter in Divino Officio ad initium Matutini , & Primæ , & ad finem totius Officii Reliqua duo Nicænum , & S. Athanasii aliquos solum Symboli Apostolici Articulos contra emergentes tunc hæreses clariss explicant , & declarant Symbolum enim Nicænum contra Arianos potissimum explicat Divini Filii Unitatem , & Consustancialitatem cum Patre , & in unum Dominum . Item Divinitatem , & Procreationem Spiritus Sancti à Patre & Filio : Et in Spiritum Sanctum & Dominum & vivificantem &c. Recitatur in Ecclesia solum in Missa solemnii. Symbolum S. Athanasii potissimum explicat duo mysteria Fidei , scilicet SS Trinitatis , & incarnationis Verbi. Recitatur al Ecclesia in Officio Dominicæ ad Primam.

Symbola porrò constant suis certis articulis quasi parvis membris.

§. IV.

Fidei Articuli.

I Articulus Fidei (quasi membrum parvum Symboli) dicitur verbum Dei particulare continens specialem & distinctam revelationem à Deo factam Ecclesiæ in ordine ad consecutionem vitæ æternæ. Tria ergo requirit articulus Fidei. 1. Ut contineat verbum Dei publicum toti Ecclesiæ propositum , & credendum. 2. Ut contineat peculiarum , & distinctam difficultatem credendi speciali

ciali operatione, vel revelatione Divina superandam. Hinc, ut optimè notavit S. Thomas cit. Unicus est Articulus Fidei, de Christo passo, mortuo & sepulto: Quia in his una eadémque est difficultas credendi, ut uno per Fidem suscepto, non sit difficultè & aliud credere. At verò de Christi morte, descensu ad inferos, Resurrectione, & Ascensione jam sunt quatuor distincti Articuli Fidei, quia in his quadrupliciter distincta est difficultas credendi, necessariò distincta revelatione superanda; credita enim morte Christi, alia est difficultas credendi ascensionem ad inferos, alia Resurrectionem &c. 3. Ut contineat veritatem Fidei per se revelatam in ordine ad consecrationem vitæ æternæ, omnibus necessariò credendam; est enim Fides substantia rerum sperandarum, & principaliter æternæ Beatitudinis. Unde propriè non dicuntur articuli, nec in Symbolis ponuntur ea, quæ per accidens tantum revelata sunt, ut quod Abraham duos filios habuit, & similia historica innumera, et si ad Articulos Fidei reducantur, ut eo ipso, quod Divinitus revelata sint, si Fideli proponantur, Fide Divina credenda sint, saltem negativè, ut jam supra innui.

Articuli ergò Symboli Apostolici, et si vulgo numerentur duodecim juxta numerum duodecim Apostolorum, à quorum singulis singuli composti pie creduntur; reverà tamen quantum ad distinctionem rerum credendarum quatuordecim sunt. Septem spectantes ad Divinitatem, utpote, 1. ad Unitatem Essentiae Divinæ: *Credo in unum Deum.* Tres alii spectantes ad Trinitatem Personarum 2.

B 4

Credo

24 Tract. II. In I. Præcept. Decal. Cap. I.
Credo in Deum Patrem. 3. Et in Jesum Christum
Filium ejus. 4. Et in Spiritum Sanctum. Tres alii
pertinentes ad triplicem operationem Dei conferen-
tis creature triplex esse : Scilicet Esse natura : 5.
Creatorem Cœli & terre. Deinde Esse gratia : 6.
Sanctam Ecclesiam Catholicam, Sanctorum Com-
munionem, remissionem peccatorum, ubi contine-
tur Fides omnium Sacramentorum : Denique Esse
Gloria: 7. Carnis resurrectionem, & vitam ater-
nam. Amen. Septem alii Articuli pertinent ad
humanitatem Christi. 1. Incarnatio & Conceptio:
Conceptus de Spiritu Sancto. 2. Nativitas : Natus
ex Maria Virgine. 3. Passio : Passus sub Pontio
Pilato, crucifixus, mortuus, & sepultus. 4. De-
scendit ad inferos. 5. Resurrexit a mortuis. 6. A-
scendit ad Cœlos &c. 7. Inde venturus est judica-
re vivos & mortuos. Ita unanimiter DD. cum S.
Thoma 2. 2. q. 1. a. 8. & Scoto in 3. d. 23. q. 1.
Ubi ait: Sciendum, quod si articuli distinguantur
quantum ad ipsa credita, sic sunt quatuordecim:
Si autem distinguantur secundum numerum eorum,
qui primum articulos distinxerunt, sic sunt duode-
cim juxta numerum duodecim Apostolorum. Sic
ille. Verum pro praxi fidelium retinenda est vul-
garis duodenaria divisio Articulorum Fidei secun-
dum ordinem verborum Symboli ; Theologica ,
& speculativa est illa prima divisio, hæc po-
sterior catechetica , & pra-
etica.

Se-